

Incumbensa da la fracziun da la PPS concernent «Per in bun clima en il Grischun: Deducziun fiscala per vacanzas en Svizra»

Sco già annunzià vegn la fracziun da la PPS ad inoltrar ils proxims mais differentas incumbensas sut il titel «Per in bun clima en il Grischun». Sut in bun clima na chapescha la fracziun da la PPS en quest connex betg mo l'ecologia, mabain er l'economia ed uschia l'economia locala ed ils interess da la populaziun. Tge datti qua – en accordanza – meglier che vacanzas en l'agen, fitg bel pajais?

La deducziun fiscala per vacanzas en Svizra è ina soluziun svelta e realisabla che ha in grond effect: Tras deducziuns fiscalas pussaivlas per vacanzas frequentadas en Svizra pon talas vacanzas puspè vegnir rendidas pli attractivas, ed i pon vegnir spargnadas resursas fossilas per viadis lontans. Bler pli ecologic che vacanzas en in pajais lontan e bler pli economic che d'investir ils daners ordaifer la Svizra.

Las perditas fiscalas sezzas na vegnan – tenor noss avis – betg ad esser stravagantas, perquai che las interpresas vegnan ad esser en cas da pajar taglias pli autas grazia ad ina meglra situaziun economica. Nus l'avain udi a chaschun da la sessiun extra muros 2019 a Puntraschigna. Nus avain problems d'occupar noss hotels en il chantun. Er qua vegnin nus a cuntanscher in effect positiv.

La regenza vegn incumbensada da suttametter al cussegl grond in sboz per ina deducziun fiscala per dimoras turisticas en Svizra.

Puntraschigna, ils 14 da zercladur 2019

Koch, Favre Accola, Brandenburger, Della Cà, Dürler, Gort, Hug, Salis, Weber, Renkel